



雙溪倡和詩卷第四

德清 徐倬 蕢村選

菁山探梅

沈涵

漱灑前湖淨。曛曩朝日升。山容晴愈澹。花氣暎初蒸。  
艇泊微風岸。尊移最上層。芳辰盡觴詠。野興得飛騰。

塔影遙相對。泉聲靜有餘。深林喧鳥鵲。小市混樵漁。  
梵響隨松落。雲容出岫舒。一弓倘可乞。決意在山居。



沈樹本

岸曲頻移舫。溪深恰受篙。雲凝千樹白。花擁一峰高。蠻榼銀絲鱸。偏提玉色醪。聊陪東閣詠。不羨茂陵豪。

取醉橫橋北。尋香小市西。數村流水合。半塢夕陽低。鬪筍濃沾露。分蘭密護泥。山中足幽興。忘卻問雞棲。

敦行堂大理雙石屏歌

先襄敏公撫滇所得

沈涵

點蒼相傳十九峰。峰多奇石靈氣鍾。斷來巉骨憑

巧匠天然圖畫神。鬼工秦皇開邊始。置郡方物遠隨職。貢通伏波銅鼓武侯柱。至今赫奕傳蠻中。吾宗先世曾開府。掃除逋寇銘膚功。宦成歸裝惟片石。鬱林清跡真相同。子孫世守罔失墜。堂前羅列溪山重。憶余曩歲使閩越。仰惟遺愛思追踪。襄敏公曾視學閩中余亦忝是任。公餘有客亦寄此。携來相較羞凡庸。乃知今人不如古。豈惟德業難比隆。傳語諸郎永珍護。一物雖細手澤豐。還期治學如治石。琢磨莫靳他山攻。

沈炳震

高堂粉壁尚復寬雙屏屹立圍雕闌點蒼文石方  
四尺凝脂肌理無疵癥東偏一屏圖最好下有流  
水高層巒濛濛若欲來急雨滾滾有似驚飛湍一  
屏西列更竒甚噴雲泄霧何漫漫奔騰萬馬逞雄  
態變幻蒼狗標竒觀兩屏相列更相向宛然妙手  
傳毫端陽春日射色晶瑩嚴冬雪映光清寒泥金  
迴文周四角雲螭黝漆雕雙蟠我家高曾稱世守  
百年閱歷安於磐伊余少小聞傳說滇池遠致同  
琅玕維昔太傅初開府陸梁小醜方踞謹一時勦  
撫能牙用聲色不動邊陲安國書家乘詳紀載簡

策焜耀永不刊大功巍巍勒金鼎清節皎皎侔澄  
瀾功成晉秩馳上道蕭然囊篋隨征鞍獨携片石  
殊愛護氈包席裏防摧殘還朝忤璫拂衣去金門  
拜疏歸掛冠南來與屏作石友摩挲鎮日同眠餐  
滄桑已變歷數世清風猶在屏猶完豈無要津策  
高足輦載珠玉稱好官及身寥落再傳壞瞥眼已  
見門戶單朱提赤仄本流動倏忽變化如飛九何  
如此石非世好不逢權勢來相干固知祖德垂永  
久讀書勿替誠哉難吟成放筆發深省徘徊凝睇  
增三嘆



沈炳巽

羣峰羅列螺黛青下有流水聲泠泠蕭疎古木逞  
異狀嵯峨亂石呈奇形嵐浮翠積氣清快雲飛澗  
瀉無畱停林間一鹿獨攸伏夕陽山頂光冥冥借  
問此景誰圖寫乃是吾家雙石屏滇南巧匠斷山  
骨朝削暮琢心無寧憶昔尚書奉簡擢蠻荒開府  
全生靈會當小醜逆天命赫然一怒驚雷霆功成  
三載奉內召獨携雙石歸寒廳豈無奇珍可輿載  
清標那肯污羶腥流傳六葉幸世守雕刻不損仍  
瓏玲東西相向各具態堂前屹立常亭亭皎如春

星入戶牖清同秋月穿窗櫺人間羅綺必敝壞世  
上珠玉常飄零何如雙石得完好至今奕奕傳芳  
馨相期永遠加寶護散失勿似平泉醒

沈炳謙

我觀巨室競鬪富羅列珍玩心無饜紫絲十里連  
畫閣綠沉八扇圍華欄珊瑚火齊逞無敵水晶雲  
母還相兼繁華過眼不再見誰陳苦語為針砭我  
家舊物傳何代太傅名德垂清廉點蒼兩屏屹相  
向光彩煥發驚觀瞻羣峰峨峨雲欲吐巨浪滾滾  
天相黏空蒙忽訝風雨作深黑疑有蛟龍潛真宰

賦物乃宛肖何異畫手開生縑不材小子闇舊事

東觀著作容窺覘

家官詹公見示明史稿本得閱先襄敏傳

運丁百六禍漸釀

生殺大柄由諸闈紛紛門戶各爭勝矛戈相向森  
鋌銛維公立朝秉剛直清霜霍地朝陽暹滇南要  
地重彈壓勅作屏翰安黎黔無何小醜逞烏合烽  
火夜警城門嚴推誠激勵置心腹安衆談笑掀鬚  
髯三軍效命整步伐五夜秉燭窮韜鈴生擒渠魁  
獻闕下旁追餘孽皆殄殲邊陲不動報天子安堵  
如故還閭闔捷書露布傳萬里帷幄虛席調梅鹽  
功高官寺增妬忌氣直羣小生憎嫌公歸載石耽

高卧大功不伐甘滯淹臣心如石堅似石歸耕但  
願腰霜鎌羣狐竄盡大星滅激揚清濁恩光霑只  
今空堂日相對摩挲倍覺神光添劫遭龍漢萬寶  
竭玉石焚盡崑岡炎此屏何為得完好寧異什襲  
藏重奩先公呼友吾敢玩肅容下拜心彌謙寶持  
常須覆深幕愛護更欲垂踈簾一經與屏傳久久  
短檠辛苦窮書籤吁嗟同姓盍飲助幸勿褻履矜  
修穢作詩相勗期努力上述祖德慚詹詹

昌詩室小集送揅堂叔重遊七閩

沈炳弔



杖履追隨憶昔遊一杯草草話離愁客途童僕從  
人借儉歲衣糧苦自謀好友相逢重把臂舊題細  
認再登樓幔亭縱有勾畱處寄語征颿幸早收

沈炳謙

驪歌唱動夜星稀花影參差燭影微會面何曾三  
日隔此行多恐半年歸顛狂柳絮隨油幕澹宕山  
容漾袷衣最苦醒時輕別去一尊強盡待晨暉  
曩陪絳帳攬羣英今趁烏篷聽早鶯春草有情隨  
路發布颿無恙載書輕千峰雨過吹雲淨兩岸潮  
平湧月明如此風光須領會奚囊一一記陰晴

勝地傳聞闢講堂

福州闢清茗書院以詩家宮磨之至

從游喜得再分光

論○文○舊○有○三○千○客○消○恨○新○嘗○十○八○孃

叔前自閩歸有猶畱一恨誰消得只

欠銀梓擘荔支之句

莫以孤衾悲井臼要傳好句夢池塘家園

茶筍堪消夏樓指相期泛野航

竹深畱客處

吳啓袞

竹深畱客處亭午轉相宜花草顏猶媚清涼味獨  
知竟無炎氣入况有好風吹久坐都忘倦何來襪  
襪思

吳浙洛

竹深留客處，三徑氣全清。煮茗微聞沸，彈琴乍有聲。晚涼隨意得，幽興自然生。笑指疎籬外，人從隔岸行。

吳溶

竹深留客處，散坐獨相宜。影落蒼苔翠，枝穿瘦石奇。恰當風度後，又是月來時。不惜支頤久，閒吟共索詩。

嚴光夔

暫息名流駕，遙從曲徑臨。清輝宜把臂，爽籟共披襟。激越時聞嘯，交橫不礙琴。此君偏愛客，終日對

虛心

吳大燁

半畝方塘迥，泠泠瀟碧垂。似聞碁響處，知是客談時。赤日何由到，清飈恰受吹。此中足消暑，小住正相宜。

向夕涼尤甚，林間把臂時。月穿光瑣碎，池浸影參差。螢火飛還隱，茶烟颺更遲。便堪消永夜，達曙亦忘疲。

丁疑

三徑依瀟碧，嘉賓不待招。且教除敗籜，也許宥甘



蕉布席光凌亂開尊韻寂寥何嫌歸路晚纖月掛  
叢條

沈楨國

半畝無心植俄看綠滿叢鳥飛千片雨蟬噪一林  
風客到柴扉外尊開水榭中夜來忘坐久唧唧鬧  
秋蟲

深林杳莫際一望翠無窮月照痕疑碎風吹響欲  
空何妨千日醉但可七人同此地勾留慣何須踏  
鞦韆紅

沈炳震

水閣涼風細幽篁拂檻修萬竿長蔽日六月已疑  
秋剝啄迴殘夢逍遙坐勝流一甌茶正熟相對足  
勾留

不是忘形容何緣此地過已來清絕處轉覺賞心  
多但聽碁聲遠微聞琴韻和婆娑難遽別涼月照  
烟蘿

青奴

沈楷世

佛燈經案養閒身更結牀頭未了因實理細詳原  
竹几虛名冒盥是夫人曾蒙陸叟詩中聘好向王

生簟側陳只恐涼飈奪炎熱驚秋紈扇共傷神

沈楨國

紙帳當窗月一弓簟涼枕膩睡朦朧幽姿合產東  
南地勁節偏依帷簿中防汝二心長反覆愛他遍  
體盡玲瓏醒時懷抱休輕擲色相從來總是空

沈炳謙

洞房當暑夜橫陳底用靈犀再辟塵林下風原推  
獨擅湘江淚恐是前身生憎繡被侵肌膩自愛桃  
笙熨體親可意從來難割絕故應奴亦號夫人

孫爝

炎宵枕簟苦難親快絕蕭蕭此翠筠瘦削生來比  
君子便娟屈就喚夫人含風通體清無垢抱雪安  
眠穩稱身酒醒不嫌幽夢短溫柔况味底須真

柯壽坤

輾轉從教寤寐通桃笙初薦玉玲瓏比肩不遣蛾  
眉妬一體須論紈扇功青女漫勞催夙駕湘妃原  
合近薰風真成嚼蠟橫陳事早覺楞嚴意味同

蒲陶榜小集

沈樹本

倡

茆堂虛北牖小院七尺寬蒲陶種一樹三年枝葉



繁以柱立四角縛竹以爲椽細意纓絡之宛轉屈  
且蟠其葉皆俯垂其枝必上延滅參差瓦縫掩巉  
岫屋山濃陰可一庭洵不見纖穿纍纍初結子已  
若懸珠玕名何須馬乳種何須大宛東偏結矮屋  
偪仄如罌樽開窗剛面對綠色四壁寒頃作閩嶠  
遊觸熱腰腳頑歸家方六月困頓屢費餐火傘張  
翕赫火龍走蜿蜒而此方丈室獨喜無炎燁剝啄  
不及門常坐卧其間手把一卷書意到三古前過  
從有弟妹竟日來清言塵襟倘未滌請住蒲陰邊  
頓令忘暑氣誰與佐之然更待蒲陶熟釀酒盛瓦

盆芳香出供客此繼可判年願女永張王與我久  
周旋寄問輕肥者世上孰忙閒

沈楷世

馬乳綴簷際蕭疎葉初稠茆齋會六客談笑消牢  
愁蟬聲隔院來颯爽如涼秋人靜絕塵氛窗明書  
几幽篋衍新得句遙從閩嶠收橫空掣海鯨卓犖  
吞吳牛葯房辛夷楣窈窕懷靈修卦屯復著否只  
合栖林丘視彼五陵客反似池籠囚雷殷雨浙浙  
竹動風颼颼詩句媿瑟縮生滅同蜉蝣敢學孔巢  
父詩卷誇長留

沈杻國

鷓息困鬱蒸塵囂日煎迫賴有黑水精壓架重陰  
借<sup>叶</sup>葉底披輕颺枝頭承甘液牽絲撩檐牙垂實  
避岍幘主人閩嶠來顧之聲嘖嘖誰云荔支貴未  
若此堪憐堆盤雜瓜果布席羅肴榼聊以娛素心  
不願來熱客話別茗頻煎分箋句屢索何知禮數  
慵豈有形骸隔但令興既豪休問日之夕

沈炳巽

堂前種木蘭勁幹高楠蠹堂後植龍鬚長條各出  
縮枝如翠蛟舞實心明珠簇垂垂落萬顆磊磊堆  
十斛舒之滿屏架拱之僅盈掬中有列仙儒臨軒  
結小屋自言厭塵囂芬和喜幽獨危坐忘朝晡脩  
然絕征逐閱世歷艱難息心謝榮辱堦前惡草除  
廡下馴禽畜衡門晝常掩道書夜還讀愛我素心  
人時時得往復息蔭招清風橫襟散暄燠尊浮玉  
色醪清吟間琴筑擾擾歎荆凡紛紛笑蠻觸夜深  
覓解醒正喜蒲陶熟

沈炳謙

幽居諳踈嬾晝睡兀繩牀長鬚走馱東躍起披衣  
裳檐牙敷綠葉牆角散清香借蔭在北牖移種豈



西涼未思馬乳滿先喜龍鬚長茲辰足蕭爽野興  
得猖狂開樽滌酒壘炙火試茶槍好風清且徐鳴  
蟬悠以揚此時紅塵客白汗如翻漿何如此棚底  
相對共一觴深秋快雨過的的垂紫房老饕思解  
渴請勿高倉琅

周壽國

曆長

高慢比綠天柔藤綴紫實子密繁星攢漿寒甘露  
溢有隙通秋風無微容夏日左右紛幽馨媚我詩  
人筆

讀史記雜題

吳曙

怒濤寂寞不堪聽岫早經風萬古青同此白虹能  
貫日爭如聶政上韓廷

易水歌

血痕難滅艸心紅嘶殺烏雉毳帳空別有夫人歌  
永巷誰言隆準勝重瞳

虞兮歌

吳大燁

老臣心事托青龍玳瑁筵前事已空但取列侯封  
項伯人臣依舊做丁公

公莫舞

燕支雪積伴夔夔豈有韋韞障塞氛十歲羌兒識  
名姓畫圖乃殿大將軍

牧羴行

沈樞國

幕府惟知文吏尊投戈自絕復何言他年右校稱  
王位正是將軍舊子孫數奇歎

犢禪猶勝鷓鴣裘酒肆從他上客留一自玳筵聽  
綠綺人前久已掩雙眸當鑪曲

七夕賦得花入曝衣樓

董浩翰飛

雲構勢凌空奇葩映綺櫳天衣無補綴錦幄啟玲  
瓏影共菱花瘦香隨闌麝融石榴裘妬艷翡翠被  
輸紅五彩絲綸巧惟星笑語同書生無可曝坦腹

卧庭中

朱廷傑稚

雲漢重臺接低枝拂玉鈎五銖光借映六幅色侵  
浮香戀君恩賜花明妾貌羞淚痕常溼袖芳氣暗  
粘篝鏡合窺連理簾開妬並頭秋風團扇棄怯上  
最高樓

沈允相

鳳閣梳雲鬢龍墀燦露房簾前如散錦樓上正開  
箱細惹霞裾麗輕粘霧縠香橫竿穿碎影收架襲  
餘芳艷艷迷針縷疎疎見鵲梁今朝爭乞巧誰解



貯詩囊

沈楨國

樓敞憑霄漢飛英幙外侵吹風香漠漠照日影沉  
沉翠桁穿文縠牙牀爛錦衾恍疑登百子直似上  
開襟只恐銀河瀉無須鵲駕臨夜來橫兔魄若箇  
弄雙針

君山閣雅集同用昌黎鄭羣贈箴韻

柯煜

吳興門閥誰不知  
蕙敏之後才愈奇  
相逢一揖不暇語  
手持研匣開琉璃  
長篇短詠奮迅出  
賸欲指

摘無纖疵三詩六筆各有態直覩天巧非人爲狂  
奴甘苦實飽歷有飢頌識勞薪炊鱗角况從十洲  
得天球自與東房宜公侯復始乃券內麩蘖端藉  
萬卷資只今高齋共幽賞舩船入手生瀾漪阿大  
中郎並挺拔江東所見皆獬兒郊居已觀雌霓妙  
蘭臺重賦雄風吹挽留鄭重荷深意夜談更擬窮  
朝曦臨分執手期努力莫隨草木嗟變衰

吳斯洛

丹丘績學余素知萍蓬忽合情踪奇卸帆遽輟九  
峰棹朝朝研匣開琉璃分曹競詠性所愛更愛憑

君摘顛疵竹溪吟編富束筍才調傑出羣能爲枯  
腸潤比河水瀉饑眼療同飀餅炊我家二妙倍軒  
翥兩村各奏堦簾宜三唐兩宋並承系六帖四庫  
兼旁資我來無計遣秋暑也擎秃管揮寒漪踈狂  
倒擲頭上憤冷淡爭訕村中兒催詩記勝片雲黑  
舉觴捲幔涼風吹如此十日作小住頗畏百里趨  
炎曦良時言笑幸努力茲情金石期無衰

吳隆元

潭潭深屋暑不知北牖樹石尤清竒恍然置我華  
藏界一一蓮座承琉璃眼前數子盡才傑鄭環晉

壁無瑕疵揮毫對客吾豈敢硯左磨墨猶能爲主  
人好客卜其夜蠟薪已飭厨孃炊科頭跣足無不  
可談空說有寧非宜况復檐前飛灑急一雨端爲  
新涼資庭花漸欲吐黃雪溪水頓覺生清漪人生  
歲月若奔馬惟有見性猶嬰兒解粘去縛仗詩酒  
業風窮劫安能吹不論長生長不死海山堯率同  
昇曦諸公聞此須痛飲對酒莫惜朱顏衰

沈樹本

文章得失心自知直造平淡方神竒磨礪浸潤到  
深地光明一色青玻璃縱令獨力扛巨鼎猶恐全



璧留纖疵天機雲錦不善用刀尺裁剪皆徒爲嗟  
余苦吟有癖嗜時拈寸管忘晨炊窺尋淵海悵無  
得風雅豈識聲歌宜雙溪兩載快訓倡春華秋實  
皆借資詩翁近喜聯袂至溪流倍覺浮淪漪巾箱  
雖已積篇什且勿輕視帳下兒斲削深煩斧斤力  
諧和欲似笙簫吹阿咸幽室堪久住須窮秋月連  
冬曦今宵聊共鬪酒陣鼓勇誰肯甘先衰

沈楷世

丹丘生才東觀知真樵村舍爭問竒四座豪吟柅  
間發墨光照耀青琉璃主賓贈答稱競賞同工異

曲誰瑕疵芙蓉麗今比謝客梨花妙詠追丘爲邯  
鄲餘子亦技養爨突那顧無晨炊多風大暢關翁  
闢捉麈惟有張譏宜前溪二妙並傑俊文筆挺拔  
堪師資吾舅茸城方下榻歸來一棹衝連漪小齋  
合并愜幽賞襜褕可笑紅塵兒庭花漸看金粟綻  
簾幕已喜涼飈吹維舟莫放柳塘楫願永夕月兼  
朝曦人生會須急行樂醉鄉天地無興衰

沈楨國

秋村閒卧來故知連宵發興爭搜竒鉢心劇目開  
奧突精瑩貫徹明琉璃有時讀書獲疑義羣然問

難攻瑕疵嗟余糠粃每在後論詩考古焉能爲况  
罹凶荒歷三載晚炊未罷謀晨炊長吟短詠豈無  
意心情塌颯百不宜幸逢好友忽聚首清狂不顧  
貧無資徑須勤買碧香酒蘭橈泛去隨風漪六逸  
猶留疎懶跡五陵不羨輕肥兒只愁明日遽言別  
回檣颯颯涼風吹蕭齋依舊苦閨寂寸心耿耿臨  
秋曦今宵猶得縱豪飲狂歌高興且勿衰

沈炳巽

竹林之樂心自知七年刻意搜神奇今來柳州謫  
仙客雙眸洞徹明琉璃社詩一一第高下剖抉雋

異刪瑕疵良辰言笑樂新好疊韻聯吟靡不爲今  
晨連袂過山閣黃粱新熟堪蒸炊延陵二賢學淵  
博北面師事咸云宜吾家諸叔競蕭爽左顧右盼  
皆良資阿戎停杯還索句宛如碧水生瀾漪新篇  
各各互傳送高吟朗朗驚羣兒堂前桂影間疎密  
屋後松聲清晝吹軒敞恰宜受明月庭深何自來  
秋曦庚村舊戚更相過掀髯慷慨論興衰

沈炳謙

七言六字誰得知聾牙呌齒爭神奇幽人夜坐手  
一寫蒲團靜火明琉璃淮南拔宅到雞犬返心內



視無纖疵鉛燒汞煉徒自苦丹成藥轉非人為鞭  
鸞笞鳳當游戲餐霞吸露供晨炊隆樓傑閣渺何  
許此間塵土寧相宜我生骨相本凡濁何況子處  
無師資翩翩而來出意外雙眸炯澈迴清漪鞦韆  
狂車手頻掉東方自哂狡獪兒從遊逕須窮八表  
誅蕩噫欠天風吹泥沙埋沒幾萬萬既往誰與追  
奔曦人間屈曲縱可樂後會顏色能無衰

蟋蟀

柯煜

新涼軋軋爲誰鳴  
夜機絲織不成薜荔牆陰聽

斷續梧桐院落訴  
明敢誇身入金籠穩自喜聲  
同玉露清歌枕挑燈  
眠未得縱非懶婦也心驚

沈允相

滿徑幽苔冷露微  
聲聲斷續似無依  
迎風細語沉  
書幌帶月悲吟動  
寢幃望幸深  
宮還貯籠驚秋  
嬾婦怕停機  
前身豈是王孫化  
芳草凋時尚未歸

沈樹本

有何恨事與愁腸  
石畔牆根訴正長  
人語不聞燈  
黯淡歌聲初寂  
月微茫  
誰知少婦眠難穩  
底用羣  
兒喜太狂  
倦客悲秋遣  
無計攬衣中  
夜起徬徨

沈楨國

梧桐深院月初橫  
淒寂驚聞促織鳴  
入耳無端催客夢  
捲簾何處不秋聲  
我方有意依床聽  
僮更多情繞砌行  
愁絕東隣機上女  
幾宵辛苦對孤檠

沈炳震

淡月桐陰景色佳  
秋蟲振羽近高齋  
鈎挑兩股爭方健  
搖曳千聲調更諧  
永夜閒吟疑細和  
涼宵急響愜幽懷  
是間鼓吹真清絕  
不數喧呶聒耳蛙

沈炳謙

石罅牆陰訴最真  
清幽隨地足潛身  
堦前漸覺尋

聲近枕上還驚入耳頻  
漫道踈籠欣有託  
何如隙壤自相親  
半閒堂裏主遊戲  
斷送襄樊百萬人

容齋餞別南陔即席聯句用裴晉公興化池

亭聯句韻

良會豈易得斯洛清秋已漸來煜廣庭風入幔曙促

坐客啣盃隆元桂樹香初動允相槐根夢乍回樹本閒身

隨處好世楷笑口及時開楨國蛩語喧歌榭炳與鸞音起

嘯臺炳謙且謀今夕醉樹本共試去年醅斯洛怕折橋邊

柳允相愁聽笛裏梅隆元主賓皆眷戀楷世倡和重徘徊

煜把臂嵇兼阮曙論心陳與雷楨國任他燈影地炳謙



莫管漏聲催

炳

豹隱文原蔚

隆

鷗盟意不猜

炳

明

星移碧落

楷

清露滴蒼苔

楨

未覺扁舟遠

煜

還欣

仙侶陪

允

數依金谷罰

樹

人漸玉山頽

曙

珍重旗

亭別

斯

縱橫河朔才

炳

連宵成茗芋

煜

小住亦佳

哉

炳

已丑之秋柯子南陔吳子琳巖並過吾里與雙溪諸子倡和盈帙茲取句詩去韓孟之奇險得劉白之清醇洵為吾里添一則佳話惜乎余弗

克與斯會而同賡數韻也心齋沈涵跋

重九前一日遊金蓋菰城諸勝同用香山九

日登西原宴望韻

沈樹本

曠曠光乍開欸乃聲不輟相逢載酒人正逼題糕

節游目得縱舒憂懷皆消豁遠岫繡幔張近嶂屏

風列松徑濤爭鳴楓林紅間發終朝肆登頓無復

慮煩熱但覺秋思深始見天宇濶向晚雲依依滿

山翠活活空堂喚何楷荒城弔黃歇村舍一縷烟

樹杪半規月安用亟歸舟暝色尚堪悅

沈炳謙

端居誰與歡當歌興已輟伊余愁寂人况乃逢佳

節招邀愜素心懷抱得開豁羣峰欵起伏怪石各

羅列獼猴迎人拜野花傍澗發愛此山中居已忘

塵世熱樂天達者流胸次何開濶長吟惜年華行  
樂及存活百年苦難保兩丸終不歇亭亭夾道松  
壽歷幾歲月懷哉勿復戀得酒且歡悅

登飛英塔步趙承旨韻

沈樹本

金輪隔水頻年望先外祖家于龍溪之北與塔相對余每過輒見寶地騰光此日

過洞戶中蟠蒼石大飛梯外接白雲多唐咸通中僧雲皎自長安來得

舍利建石塔後人復構塔蓋其上故中空而外實俗呼塔裏塔浪憑青鳥通呼吸却喜冥鴻

遠畢羅誰繼蘇公無事飲東坡晚入飛英寺詩能為無事飲躊躇臨眺

浩烟波

姚德至

百尺浮圖天半聳廿年結客憶同過危梯壁立攀  
逾險寶鐸風吹語更多樓閣參差如繡錯村墟隱  
約象星羅更窮浩蕩無邊景蒼卞晴峰震澤波

沈炳巽

倦客偶來成眺賞古人於此亦經過身憑高檻危  
機少脚上層梯勝概多縱目四圍增曠蕩舉頭萬  
象列森羅城南遙指蓮莊在隱約朱華點綠波



雙溪倡和詩卷第四

雙溪倡和詩卷第五

德清 徐倬 賈村選

燒香曲

沈楨國

寂寂房櫳睡初起  
恰喜檐前風日美  
寶鴨金猊錯雜陳  
拂拭鮮新供  
棐几親携獸炭緩  
緩添雞舌龍涎  
信手拈須臾  
漸覺火力到  
濃香裊裊縈犀簾  
香愈清時人愈靜  
得意忘言揮麈柄  
回頭更向膽瓶看  
別有幽蘭心不競

沈炳巽

蒲團靜坐凝兩目習靜朝朝功漸熟博山火力自  
輕勻一縷清香任起伏時時鼻觀覺氤氲彷彿幽  
蘭散空谷微燄輕從獸口噴輕烟不起香盈屋幽  
人此際更超然身心已被三薰沐

天聖寺壁觀管夫人畫竹

吳溶

古來畫竹誰工緻前有黃筌名獨熾後來與可能  
寫真坡老從之筆更肆元人野竹數仲賓畫態極  
妍尤有致趙松雪題李仲實野竹圖謂有畫態極妍之致是皆鬚眉號丈夫等閒  
潑墨非奇事仲姬本是閨閣人筆力胡為亦酣恣

當年粉壁供揮灑長短千枝競葱翠昆明劫火已  
幾更清影琅玕留古寺我來視竹竹如生萬頃滿  
湘水月明坐深涼氣生衣袂但覺耳邊謾謾多風  
聲

丁凝

洋州竹派遠莫傳何人復寫碧玉椽摻摻女手晚  
角出筆之所到生雲烟王孫肖馬萬腰裹仲姬狀  
竹千嬋娟洞房倡和日多暇不惜點染窮幽妍城  
西蕭寺富遺跡至今好事停輿輶升階入戶爰飛  
動壁淨如絹修叢連湘君山鬼呼欲出風篠屈曲



垂龍纏一枝旁茁生氣足蹶然而起森戈鋌得之  
象外覩天巧渭濱嶰谷奔毫顛紛紛摹本竊形似  
枝葉則具神不全百年舊事知者幾鷗波亭圯成  
荒阡王孫冥漠仲姬死墨君不共滄桑遷

沈楨國

愛尋勝跡耽良遊招提躡屐娛清幽孤燈照殿淡  
無色苔紋繡壁盤蝸牛舉頭瞥見仲姬筆數莖修  
竹何蕭瑟偃仰高低勢欲飛向背參差態各出幾  
回細矚容頻肅兩耳似聞風謾謾徘徊欲去尚逡  
巡宛然坐我篔簹谷噫嘻古來丹青豈一人名勝

源流費三復憶從白傅數蕭郎記得洋州傳玉局  
何如此壁更通神亭亭瘦節無纖塵殘元俚指數  
百載至今墨瀋猶如新鷗波亭上趙承旨佳偶天  
生工絕技詆蕩蘋洲雪水間揮毫潑墨誰敢比笑  
他俗手枉辛勤擁腫四壁徒紛紛捧心學步不可  
耐安得一掃秋空雲

沈炳震

閒尋遺跡到蕭寺陰森古殿何窅窅一鈴無風獨  
自語排闥不異空谷是粉牆堊壁潔且淨風枝雨  
葉紛交麗管夫人筆何瀟灑夭矯萬丈森踈瘦

節疑有蛟蛇走長竿直比旌旗杠巖嶙怪石勢兀  
兀砢汨流水鳴淙淙數枝已入竹三昧迷離欲使  
雙眸眈長慶蕭郎當歎絕洋州老可應心降胡爲  
惡札滿四壁豈異畫虎空類虯承旨畫筆妙千古  
閨中佳偶誠無雙鷗波亭中倡酬富清暉閣裏笑  
言吮牙籤玉軸堆斐几蔗漿苦茗茗盈甕缸有時揮  
毫染縑素筆花生動驚濤瀧蓮莊香風吹四面乘  
興自學操觚艘王孫風流仲姬妙至今佳話傳愚  
蠢遷流那辨玉與石埽除奚啻枿與樗墨君疑有  
六丁守猶然完好無春撞朱闌繚繞碧紗護一色

凝淨侔澄江珍重只宜旃檀供寶持端用瓔珞幢  
軍持淨水潤風篠琉璃佛火同金釭未能長日來  
頂禮直須昇之歸寒窗亦如李生愛蕭字傾家買  
就千夫扛嗟余苦貧那辨此正如饑者徒饒饒徘  
徊日暮不能去歸途街鼓聲逢逢

沈炳巽

天聖寺前有古檜霜皮想像千餘歲殿盈天矯舞  
雙龍左右錯盤差可怪兩事俱由承旨傳古檜作  
圖龍作記而今靈跡總茫茫殘碑剝落圖已逝獨  
有壁間竹數竿仲姬手筆依然在別無亂葉與交



柯秀色迎人猶斌媚嗟哉人世幾變遷此壁獨存  
發深慨即如文敏富皴染紈素半隨風雨壞何如  
古壁絕蝸涎雪節霜根鬱葱翠蕭疎獨得幽人情  
嬋娟不似兒女態我來瞻玩重流連歷歷菁英吐  
生氣只愁一夜走雲雷化龍飛去離蕭寺

煥盃

沈涵

杜老玉盤誇禮數楊家翠釜恣嬌憨何如新製當  
筵設却便行厨倩僕擔水火調來冬日煥酸醎劑  
就薄蔬甘鄙儒垂老貪饗甚臨徹猶思借箸探

沈樹本

沸湯活火上辛盤鳧臠駝峰并食單不藉厨孃頻  
試手頓令坐客徧加餐千觴送盡心還熱十炬燒  
殘體未寒拚與無眠俱到曉忘形賴爾罄交歡

沈樹槐

炙得吳羹氣味勻治庖寧待喚庖人熱腸不爲嚴  
冬冷巧製全將異品陳瓶罍整猶能登綺席厨荒聊  
爾悅嘉賓叵羅鑿落俱堪友促坐何妨竟達晨

沈炳巽

空洞檀欒製樣高便便腹大氣偏豪常燃不用頻

添火五熟何煩獨獻羔雪滿中庭猶沸熱風生四  
座任貪饕主人莫漫耽幽賞指日調羹心自勞

沈炳謙

銀絲玉版味相兼入座蒸騰得飽饜但覺當筵如  
沸鼎何愁觸指似排籤蠟薪未要厨孃辦獸炭頻  
煩倦僕添共約消寒無別具從今碧盃客生嫌

蠟梅

沈涵倡

梅花待放猶嫌冷爾亦梅羣獨早開正色羞同紅  
白艷孤根不受雪霜摧乍看蜂過全無影最便鶯

藏却未來好與幽人長作伴清香斜月照深盃

吳啓哀和

剪得旁枝近砌栽惱人風味傍人開乍逢日暝烘  
成色留護春寒凍未摧索笑也曾邀客住承恩多  
恐鬪香來交期耐久能餘幾同對幽香倒百杯

沈允相

無數瓊枝遶屋栽忽驚黃萼破寒開紫囊染就非  
誇艷金縷粧成不易摧夢與羅浮山下別名從真  
蠟國中來涪翁吾敢爭詩律祇喜幽香落酒盃

沈樹本



暗香本自梅根發別種偏誇蠟蒂開熏徧麝臍風  
遞引釀成蜂蜜雪難摧故應女手按抄就終藉天  
工變化來媿乏新吟繼坡谷夜寒聊爾伴深盃

沈炳巽

凍蕾盈盈帶雪栽絳紗封蠟未全開漢宮嬌額糝  
新換姑射仙姿色未摧磬口半舒丰度艷金囊纔  
發暗香來騷人別自耽吟興花底論心酒滿盃

玉蟹

沈涵

介族由來產海濱崑岡採就製奇珍雙螯豈出任

公釣八足全憑郢匠斤解珮好將沈洛浦持盃多  
恐負芳辰故園倘遇豐年瑞肯使輸苾獨讓人

沈樹槐

長占秋江蘆荻根勞他巧匠琢瑤琨赤盤忽訝爬  
沙到青案猶疑釣石溫未必憎人連解系豈容乞  
郡效錢昆不貪爲寶憑誰會右手持盃與細論

沈楷世

不向草泥行郭索却從寸碧費雕鏤蹀心空有揚  
雄刺左手難爲畢卓謀鑿貌只應呼石蛤繪圖真  
已類蝓蟬盈盈秋水堪持贈好向陳王賦裏收

沈炳巽

脫盡江東紺甲紋藍田有種幾時分置身已遠魚  
鰕侶入座來侵冰雪文潔淨雙螯羞吐沫青燐八  
足似生雲一枚真箇千錢直肯把詩來換與君

吳啓褒

公子形容寫出難荆珍採得費雕刻脫胎好與同  
心比屈足何妨冷眼觀郭索無聲空帶甲晶熒有  
象不流丹隣家辜負新醅熟左手持來仔細看  
以瓶花餉青然

沈炳巽

倡

折得幽花三數枝膽瓶位置頗相宜蕭蕭寒雨隨  
風到傳語君家好護持  
一簇芳蕤枝葉齊經營向背辨高低狂奴無句評  
花好寄與幽人恣品題

吳大煒

和

閒來亦擬插花枝幾度端詳總未宜會得此中疎  
密意而今方可伴軍持  
蕭疎却與研山齊影落晴窗高復低珍重詩人添  
逸興蠻牋更喜得新題

茅渠省見過小飲用歐公聖俞會飲韻



沈樹本

柴扉乍啓來故友高齋同過留深談春波渺瀰添  
 五尺桃花零落踰重三朝來柱脚起泡沫向晚庭  
 際吹霏霰紙窗木榻快促坐無勞錦鯉傳瑤緘海  
 棠一株况迎面燕支溼透浮紅酣此時作達便可  
 爾富貴那得熊魚兼酒陣縱橫建旗鼓詩壇奮猛  
 森韜鈴形骸束縛竟脫畧禮法煩瑣皆夷芟悠悠  
 身世何暇計今或不樂貽林慚豈無故人踏朝市  
 馳逐鞍馬拘袍衫古來狂士有遺教山王未足偶  
 藉咸相逢且共謀小住輕撓十日停溪南

沈炳謙

昔年狂社置高會與君獨昵同清談君時意氣正  
 壯盛我衰鼓竭何待三聯床得句紛絡繹挑燈聽  
 雨鳴霰囊堂堂一別竟八載常剖尺鯉愁無緘忽  
 然剝啄到荒徑海棠剛發呈朝酣君才少小具根  
 抵韓歐李杜師相兼白華家學况淵海上溯墳典  
 窮韜鈴邇來出筆倍挺拔討論偽體嚴除芟手持  
 一卷屬斤削君愈退讓余彌慚詩人從古例蹇拙  
 未要潦倒悲青衫外聞淫哇苦喧聒何由洗耳聞  
 韶咸金風亭長更謝世誰留碩果撐東南

落花

董胡駿

周池

一年春事易蕭條  
瞥眼繁英旋寂寥  
珠箔收時紅雨散  
玉樓糝罷絳霞消  
慣隨流水橋邊出  
亂逐輕風柳外飄  
莫怪王孫獨惆悵  
憶歸芳草路迢迢  
看到闌珊白日昏  
更從何處倒芳樽  
鶯聲誰識流鶯怨  
采采應消粉蝶魂  
愁緒牽人無可奈  
飄零如我復奚論  
年年此際添憔悴  
三徑苔深晝掩門

沈楨國

憑誰禁得曉風狂  
匝地殷紅枉斷腸  
細雨忽粘蛛

網重輒泥時襯馬蹄香  
一春有恨過前浦  
半夜無聲度短牆  
寄語多情雙燕子  
好收狼藉上雕梁  
曾携尊酒醉芳叢  
爭忍飄零類轉蓬  
似爾不歸愁暮雨  
有人相對惜春風  
鶯聲啼盡枝枝綠  
蜂尾拖來片片紅  
料得玉樓方倦繡  
莫教吹入畫簾中

涼枕

沈樹本

畧遣炎威避相從  
得睡方良材供品第  
巧製費端詳  
湘竹盤枝固溪藤  
擘縷長縱橫  
工組織疎密絢  
文章滑可隨  
髹几輕宜伴  
隱囊自然驅蚤蝨  
不用



雙溪仙語卷五  
裏縹緲載到三江棹  
携來七里塘  
蕭疎依竹簟安  
穩置藜牀  
客散風迴幕  
吟餘日轉廊  
寧勞白墮友  
已到黑甜鄉  
氣靜心逾泰  
神恬夢亦康  
虛無兼將  
相咫尺對羲皇  
合占烟霞窟  
能清冰雪腸  
中空無宿物  
旁達有幽光  
屢濯滄浪水  
頻熏篤耨香  
叮嚀常愛護  
秋老莫深藏

沈炳震

巧匠何年製溪藤  
經作圍玲瓏  
斜復整組織密仍  
稀小隙防眉蹙  
痕印頰微風生  
聞颯颯香透覺  
翻翻不使蚊爲藪  
寧令蟣漫依  
豈惟消永日直可

却炎威逸興懷陶令  
多情感宓妃  
七華長作伴雙  
鑠不相違  
昔昔恩偏重  
匆匆事已非  
霜天排朔雁  
涼月擣寒衣  
勇退辭珍簟  
輕拋別錦幃  
世情多附  
熱歎爾獨知幾

沈炳翌

巧製宜高卧形如月上弦

虎丘半月  
枕最佳

柔藤枝屈曲脆

竹格方圓隱隱紋  
生頰疎疎風透肩  
清芬貫表裏  
爽氣達中邊  
蚊匿何時出  
花藏竟日鮮  
不須添繡  
被只恐礙金鈿  
斲篔功還薄  
胡牀用未全  
青奴求  
避席紈扇歎無緣  
靖魄思方息

蘇彥柎榴枕  
銘願神靖魄

安身興所

便從茲如我願幽夢謁羣仙

沈炳謙

藉爾消長夏桃笙位置同  
劈藤肌滑膩削竹樣玲瓏  
醉面常相慰清飈得漸通  
帶紋知久睡驅蟲為頻烘  
汗漬光添潤香消氣更融  
乍欣飛栩栩轉恨醒息息  
野客提携便吳儂體製工  
高低心自適疎密影全空  
藏巧花千瓣翻新月一弓  
何曾來暑氣未便怯秋風  
莫遣青奴妬休誇團扇功  
北窗幽夢好端合贈陶公

芥茶

沈樹本

兩縣岡頭判

宜興長興以山為界故曰芥

千家洞口潛金砂泉脉潤

茗嶺土膏黏瑞草東南秀靈根  
雨露漸權輿滋孕

毓變化出勾尖置舍申虔祀  
開園候吉占

茶疏芥茶非夏前不摘初

試摘者謂開園

懸崖聞采采高隴見摻摻  
試焙纔逢夏包藏

恰喜炎筠籠裝密緻弱葉裹深嚴  
每歲煩閨閣嘉

辰辱顧瞻分貽飛畫槩遠寄附郵籤

王氏姑丁氏妹每歲午日餉余芥茶

客到風生座吟成月挂檐  
喉枯冠欲脫吻燥筆難

拈拂拭甄爐淨叮嚀緩火添  
宮商歌者聽魚蟹侍

兒覘陽羨甃瓿巧供春手澤沾

供春吳願山婢始製宜興陶壺

乳花傾



漱灑雨脚舞霏霏乍見顏隨破初嘗意已快胸能  
消磊塊神竟得安恬清濁分涇渭新陳辨素縑衆  
中誰第一廟後定無嫌帽頂聲名亞巾條色味兼  
幽微含冷雋淡泊逗香甜顧渚芽中斷顧渚近不生茶温山  
種早殲閩鄉慚首面蜀俗笑薑鹽憶昔官符急寧  
容驛騎淹袁高詩最苦李溥語徒儉  
瘡痂  
窮氓釋網鉗祇增鴻漸賞不礙玉川廉君子臨書  
案佳人啟鏡奩蘇詩一天與君子性又從來佳茗似佳人相從拚水厄小啜  
送烏蟾

沈炳震

吳興茶茗富顧渚獨標名別種芽為美惟茲葉最

精芥茶記茶以初出兩前者佳惟羅芥立夏開園吳中所貴梗抽葉厚有肅箬之氣春秋分採擇茶疏芥茶採自

正夏謂之春茶往時無秋日摘者近乃有之七八月重摘一番謂之早春其品甚佳肥瘠判根莖芥茶記茶產平地受土氣

多故其質濁芥茗產於高山渾是風露清虛之氣故其品為可尚絕少旗槍異還兼色味清

羣推紗帽貴正與手巾并廟後誠無敵温山孰與

爭金砂泉的爍明月峽崢嶸卜日開園吉齋心拜

祀誠濃香惟數片厚味在重烹不藉薑鹽佐惟應

蒸焙成茶箋諸名茶法多用炒惟芥宜於蒸焙味真醞藉世競珍之山農携伴採賈客泛

舟迎佳品遺親串懷人寄愫情竹籠編屈曲箬葉

裹縱橫茅舍多環水良朋餉滿簾開滕睂宇動啓

簾笑言生遽為軒冕旋來理鐵鐺晴牕位置妥  
雅具潔清呈火力分文武泉源別重輕茶錄山頂泉清而輕山下泉清  
重初焉浮蟹眼繼復聽松聲但見珠璣濺還看沫  
餽盈半甌清燥吻一碧快雙睛頓覺神逾爽彌欣  
氣自平夢迴留賸馥醉後解餘醒本草詳功用茶  
經著鑒衡陸盧真曠逸丁蔡受譏評近絕頭綱貢  
常安下里氓誠由賤異味自可免煩征採擷從人  
便提携任遠行吾徒珍瑞草野客賞精英煎點須  
頻疊開軒與其傾

沈炳巽

日注標奇品

東坡詩註兩浙之品日注為第一

吳興產更佳兩前何足數

廟後始堪誇採摘常踰嶺提携待泛槎輕雷舒嫩  
葉小兩長新芽紫筍應難得黃團或可賒搗篩無  
所用薑桂不須加摘得輕籠貯封來箬葉斜龍鱗  
千片落雀舌數層遮浩潔香偏永精清靜不譁裴  
茶述其香浩潔其性精清窗前移石鼎巖下汲金沙火力兼文武風  
清透齒牙養生同大藥留客伴浮瓜側盞看魚眼  
停匙待乳花尚方前有貢羨爾育英華

何處堪消暑

沈涵



何處堪消夏西湖湖上亭兩峯蒼翠合四面水風  
并漁遂堤邊唱菱歌月下聽此中安枕簟高卧幾  
曾醒

何處堪消夏峩眉絕頂遊千巘多積雪六月好披  
裘日色扶桑遠江聲蜀道流高吟謫仙句跌宕九  
天秋

何處堪消夏天山近賀蘭羶裘侵鐵冷馬乳嚼冰  
寒向晚風尤勁終朝露未乾笑他河朔飲跼踏井  
中蟠

何處堪消夏仍來竹里居地偏人事少身老世情

疎村店還餘酒溪船賸有魚衝炎襜襖子較此定  
何如

沈樹本

何處堪消夏空山不見人右丞句松風涼過耳竹露冷  
露身踏澗波聲激緣崖石色新有時還獨坐忘却

邨烏巾

何處堪消夏飛泉挂碧峯太白句跳珠翻巨壑急雪濺

高松皎皎明斜日泠泠應遠鐘終朝宜靜對暑氣

隔千重

何處堪消夏歌聲識采蓮浩然句香風回葉底小浪聚

花邊遠岫初停泊前汀更放船分明隔塵世洛浦  
會羣仙

何處堪消暑禪房花木深常建句洞雲朝不散  
曝日晝常陰客到閒嘗茗僧歸對撫琴不須尋妙悟自足  
滌煩襟

沈樹槐

何處堪消暑松間瀑布飛無風常謾謾不雨亦霏  
霏便可拋蕉扇還思御袷衣山居足幽興鎮日掩  
雙扉

何處堪消暑招提東復東簣簣不受暑菡萏靜生

風窗外池塘迴林間畧約通偶來成嘯咏肯憶輒  
塵紅

沈楨國

何處堪消暑扁舟碧浪湖顯峯千翠合浮玉一拳  
孤舉網魚偏美橫塘酒易沽夜來新月上襖靄隔  
菰蘆

何處堪消暑浮暉閣子旁到來人自在祇爲地清  
涼對酒詩千首攤書月一牀憑誰喚耘老此夕共  
相羊

何處堪消暑黃龍洞外看驚飈從地起古木倚天



寒飛鼠陰崕踞潛蚪石戶蟠區中緣自絕舉手掬  
清湍

沈炳巽

何處堪消暑東甌官舍清蓮池當几席龍窟對檐  
楹屋底流泉遠松間好鳥鳴別來逾十載魂夢幾  
牽縈

何處堪消暑仙巖瀑布飛千尋垂組練萬斛散珠  
璣赤日應回駕炎官亦斂威禪師初出定輒語會  
心微

何處堪消暑孤標塵外亭怕遮山色好自不置窗

櫺殘磬林間出新蟬樹杪聽一甌茶在手領畧萬  
峰青

何處堪消暑黃公洞壑幽蒼茫疑伏虎隱約動潛  
蚪澗道常飛雨芝田早入秋獨嗟塵世客觸熱竟  
何求

何處堪消暑飛雲古渡前漫勞雙槳動自喜片帆  
懸蜃氣遙侵袂鮫人忽傍船三山疑咫尺清冷揖  
羣仙

碧浪湖採蓮曲

吳啟哀

百名橋外峴山前採得荷花載滿船儂數花鬚部  
打槳從前錯如並頭蓮

荷香一路到蘇灣蓮葉舟輕去復還浮玉四圍花  
最盛一拳端合作去盆山蘇詩盆山不見  
日草木自蒼然

沈樹本

環城如鏡長新荷只有城南花較多纔過橫塘齊  
打槳吳郎艷曲讓儂歌吳均有  
採蓮曲

半陂純浸黛痕重棹入蒼茫水氣濃萬笠爭圍浮  
玉塔可知原合喚芙蓉浮玉塔俗謔  
稱芙蓉塔

雄跨亭前出水齊玉湖園外鬧紅迷惱人翠葉渾

無賴恰蓋雙鴛得穩棲

嬌語何須訪若耶蓮莊窈窕爛晴霞仲姬松雪雙  
棲處今日猶開並蒂花

沙邊玉立照新粧偷剪冰綃別有香休唱蕢洲漁  
笛譜尋蓮訪藕調淒涼周草窗詞名蕢洲漁笛譜玉立照  
新粧尋蓮訪藕皆其詠白蓮句也

搖漾沙棠縱遠探大夫橋裏是花潭憑誰喚起元  
真叟薪桂蘇蘭事頗諳

浮暉閣子水邊開最憶能詩賈秀才曾被一雙荷  
葉困采花也合采重臺

青蓋擎來瀉碧香一彎象鼻索歡嘗叮嚀細領儂



心苦注玉傾銀底用忙碧香清吾郡酒名蘇詩碧香近出帝子家又碧簫時作象鼻彎

近來消瘦驗啼痕羞對花容作比論聞道郎船東

去也倩花相送到青墩陳簡齋詞一路荷花相送到青墩

三十六磯波浪深鮑山殘照送挈音五花同榦傳

殊種靈鷲移根不可尋後武林舊事飛來峰荷花盛開太上指池心曰此種五花同榦近伯圭自湖州

進來前此未見也

姚德至

十里芳塘爾許長芙蓉塔在水中央蕩舟持楫采

蓮去夾岸熏風葉葉香

采采蓮房結子多白萍波漾錦鱗過明珠閒向花

間瀉真箇茗溪足芰荷

家住城南一水村蓮莊花放最繽紛王孫夫婦風

流在月下高歌遠近聞

驛西彌望水粼粼軋軋蘭橈滿碧津我本愛蓮兼

愛採果然六月下唐春

沈樹槐

菡萏初舒十里紅儂家剛住玉湖東何曾十五乘

潮慣但倚蘭橈仗好風

西舫東船接尾過五亭側畔採花多笑他竹裏煎

茶女只伴漁童拍手歌

荷葉遮門水浸階

沈樹本

笠影翻銅牡鞞紋上綠苔真成無六月只合倒千  
杯香國誰能到晶宮不受埃前汀雙翡翠應化碧  
衣來

事見  
堅志

姚德至

一色苔分綠千株花間紅風飄香緩緩雨濺勢濛  
濛野鶴無煩守吳舸本自通最宜消夏永人在水  
晶宮

沈柱臣

草閣眠深浦長廊壓釣磯清芬圍竹簟寒氣逼羅  
衣白小呼童拾春鉏傍我飛夜來憑曲檻不辨露  
霏霏

雙溪倡和詩卷第五





